

枕文志四

詩類

五言古凡十二首

七言古凡十首

排律二首

五言律凡四十五首

七言律凡一百三十七首

五言絕句凡五首

六言絕句凡八首

七言絕句凡二十八首

賦類凡五章

頌類凡二章

歌類凡七章

行類一章

謠類凡十三首

箴類凡三章

表字演

書籍錄

貴州通志卷二十四

藝文志

詩類

五言古

流夜郎永華寺寄潯陽郡官

唐李白

朝別凌煙樓暝投永華寺
賢豪滿行舟賓散予獨醉
願結九江流添成萬行淚
寫意寄廬嶽何當來此地
天命有所懸安得苦愁思

竄夜郎於烏江留別宗十六璟

李白

君家全盛日台鼎何陸離
斬鼉翼鳩皇鍊石補天維

第二十四卷

和文志

詩賦頌

歌行謠

箴表字演

書籍錄

貴州通志

一迴日月顧三入鳳凰池失勢青門傍種瓜徒羨
猶會衆賓客三千光路岐皇恩雪憤適松柏舍榮滋
我非東牀人令姊忝齊眉浪跡未出世空名動京師
過遭雲羅解翻謫夜郎悲拙妻莫邪劍及比二龍隨
慙君湍波若千里遠從之白帝曉猿斷黃牛過客遲
遙瞻明月峽西去益相思

寄李十二白二十韻

唐杜甫

昔年有狂客號爾謫仙人筆落驚風雨詩成泣鬼神
聲名從此大汨沒一朝伸文彩承殊渥流傳必絕倫
龍舟移棹晚獸錦奪袍新白日来深殿青雲滿後塵

乞歸優詔許，遇我宿心親。
未負幽棲志，兼全寵辱身。
劇談憐野逸，嗜酒見天真。
醉舞梁園夜，行歌泗水春。
才高心不展，道屈善無鄰。
處士橋衝俊，諸生原憲貧。
稻粱求未足，蕙艾謗何頻。
五嶺炎蒸地，三危放逐臣。
幾年遭鵬鳥，獨泣向麒麟。
蘇武先還漢，黃公豈事秦。
楚廷辭醴日，梁獄上書辰。
已用當時法，誰將此義陳。
老吟秋月下，病起暮江濱。
莫怪思波隔，乘槎與問津。

送任侍郎黔中判官

唐劉長卿

不識黔中路，今看遣使臣。
猿隨萬里客，鳥似五溪人。
地遠官無法，山深俗易淳。
墳今荒徼外，亦解懼埋輪。

初至龍場無所止結草庵居之

文成王守仁

草庵不及省旅倦體方適開棘自成籬土階漫無級
迎風亦蕭疎漏雨易補緝靈瀨嚮朝瀉深林凝暮色
群獠環聚訊語靡意頗質鹿豕且同遊茲類猶人屬
匏樽映瓦豆盡醉不知夕緬懷黃唐化畧稱茅茨迹
始得東洞遂改為陽明小洞天三首 王守仁

古洞闕荒僻虛設疑相待披萊歷風磴移居快幽壑
營炊就嚴竇放榻依石壘穹室旋薰寒夷坎仍掃瀝
卷帙漫堆列樽壺動光彩夷居信何陋恬淡意方在

豈不桑梓懷素位聊無悔

童僕自相語洞居頗不惡人力免結構天巧謝雕鑿
清泉傍厨落翠霧還成幕我輩日嬉偃主人自愉樂
雖無祭戟祭且遠塵囂聒但恐霜雪凝雲深衣絮薄
我聞筦爾笑周慮愧爾言上古處巢窟杯飲皆汗樽
馭極陽內伏石穴多多冬暄豹隱文始澤龍蟄身乃存
豈無數尺椽輕裘吾不溫邈矣簞瓢于此心期與論
謫居糧絕請學于農將田南山永言寄懷

王守仁

謫居屢在陳從者有愠見山荒聊可田錢罽還易辦

夷俗多火耕傲習亦頗便及茲春未深數畝猶足佃
豈徒實口腹且以理荒宴遺穗及鳥雀貧寡發餘羨
出來在明晨山寒易霜霰

龍岡新構

王守仁

謫居聊假息荒穢亦須治鑿巖雜林條小構自成趣
開窻入遠峰架扉出深樹墟寨俯逶迤竹木互蒙翳
畦蔬稍溉鋤花藥頗禱蒔宴適豈專予來者得同憇
輪奐匪致美毋令易傾敝

聖泉篇贈韓石谿

巡撫徐問

龍岡天生水羲畫山出泉睠茲感沸流肇自渾沌年

盈涸在頃刻消息同坤乾
塵刹受潮汐億劫無咎遷
帝臺益漿及神漢壺嶺顛
冰壺姑射質風露綽約仙
竇雲騰瀟瀟泓月涵涓涓
蝦鬚穿皎鏡雙眼瞭淪連
岷觴行遊聖均舟喻思玄
迷蹤鬼方霧縹真羅甸煙
詎逢陸羽品那遇葉欽傳
名公紆勝引嘉招陶芳筵
折簡開蒼蔚飛觥延霽天
玉珂鳴重嶽金艾明華田
暮歛灑柔翰翠微鑑洞弦
臨淵稱混混倚谷壘塔裕
嚴闈鑿鼓動迴谿黃燭然
荒塗欣良會興言遂成篇

七星關漁者

修撰楊慎

石澗無通水漁舟送上山
得魚隨馬賣抱網起鴉還

問尔江湖興落茫若夢間

東山

提學吳國倫

九日不登高烟霜澹林麓十日秋氣清東山倚天矗
複道舒新素琳宮隱扶木振衣躡其巔一縱千里目
荒城大如斗衆山渺焉伏掃石坐層雲鳴鐘發幽谷
僧至焚妙香居然在天竺忽開西域蓮旛彼南陽翁
何言非吾土良遊此堪卜義馭難可停且側樽中醪

七言古

流夜郎贈辛判官

唐李白

昔在長安醉花柳五侯七貴同杯酒氣岸遙凌豪士
前風流肯落他人後天子紅顏我少年章臺走馬著
金鞭文章獻納麒麟殿歌舞淹留玳瑁筵與君自謂
長如此寧知草動風塵起函谷忽驚胡馬來秦宮桃
李向明開我愁遠謫夜郎去何日金鷄放赦回

宿谷里

文成王守仁

石門風高千樹愁白霧猛觸群峰流有客驅馳暮未
休山寒五月仍披裘饑烏拉沓搶驛樓迎人山鬼聲

真州通志卷之三
五
啾啾殘月炯炯明
吳鉤竹床無眠起
自謳

飯金鷄驛

王守仁

金鷄山頭金鷄驛
空庭荒草平如席
瘴雨蠻雲天杳杳
莫恠金鷄不知曉
問君遠遊將抵為
脫粟之飯甘如飴

白水河

巡按張佑

鳥道崎嶇曾未識
於今策馬勞心力
逼霄峻嶺萬重山
懸崖瀑布垂千尺
洶濤皓皓作雷鳴
霧氣騰騰點衣濕
茅村幾處盡苗穴
石田數頃猶夷業
深林野鳥可人心
當春農事興鄉魄
那堪春景獨傷情
明朝漫

向愁人說

二仙山

按察使鄭綱

西入貢函窮六詔東來驪利集千艘
犬牙自昔齟齬相制對穴頻年亂未
休偃武修文何日事重關高壘且
城頭

送焦維章督學貴州

陳東

長安車馬紛轟闐分遠逐世稱豪賢
關下上書苦煩熱侯門鞞履爭腥羶
西川焦君何屈強高情獨在雲霄上
銜杯那復顧尚書發言不肯容丞相
只今

天子重興文羨君藻思如雲屯大腹
便便作經筵小言

落落空人群南去南中煙霧多五溪徭仡充山阿禹
王文教故不迄至今學士半諸羅君乘使者雙龍馬
未到聲名已先寫頴拔初分佐理憂才高肯是優游
者我聞大賢之門進夷狄中原禮失求諸野聲教應
聞自遠人策名可在文翁下

扶搖閣筆峰

巡按薛繼茂

峻嶒石磴躡重霄兩腋生風挾羽毛蒼翠濕衣雲物
冷半天高閣又扶搖扶簷走棋臨丹靄烟雨空濛疑
大海彷彿三山駕六鰲逼人爽氣何瀟灑玉皇香案
墮人間化工之筆插其端空中寫出真圖畫一幅生

綃尚未乾山靈雄逞拔地起如將躍入青冥裏落日
霞明擁赤城蓬萊咫尺依稀是漸看漸近鳥飛來若
為軒楹障復迴爛熳芙蓉開未了當杯莫惜玉山頽

碧雲洞

提學沈思充

西南天際流雲碧削出芙蓉插半壁中多靈怪不可
藏混沌之竅倏忽擘若箇竅中別有天阿誰巧構神
明宅靈扉不扃殿若堂瓊曇綴宇星辰摘烟爍非電
亦非霞盤蜒疑螭復疑獮八寶擎出蓋珠宮六種震
動祇樹國仰視杳靄穹窿迷上有通天一門排窅窅
恠怳了無聲下有長流噴渙泮溟通百折不可回龍

門誰鑿豈禹迹我欲乘槎問廣寒
携取支機一片石俄驚水底潛
蛟騰震地一聲人辟易僕夫呀
指壁間垠長蛟去去遺蛻蚶
回頭相彼石田崖勢吸長河見
龍脊擾之鱗甲箇箇飛乘此行
雲天下澤

碧雲洞

提學李學一

連日山行苦山惡特為登臨出城郭
郭南有洞名碧雲巍峩崒峩從天
落下馬洞門忽敞開飛泉萬派穿
幽壑初疑水竇即龍門繼覩神功
非禹鑿稍前窈窕若重門再入瓊
宮復慕廓天邊一穴透明來空
怪萬象何矚焯三旒懸並光陸
離翠藹明霞森噴薄石田

燦燦如布基猷畝盈盈可種芝神龍謠獸爭騰躍壽
星臥佛相參差胡人欲獻西來貢仙子將開海上卮
我亦正生好佳勝眼中未見如此奇徘徊日暮不能
去聊賦新詩一記之

遊鐵山

鄭恭

鐵山蒼翠望欲迷鐵溪清淺石聲齊百年射獵見夷
獠誰人為此磨崖題風流太守人中彥大筆加椽
來徧山川從此生光輝何幸同舟僂夙願隔林無用
呼行厨下山有泉水有魚舞雲嵐詠憶曾點借問此
樂美何如興備無為高橋平嵐塵不動臺前柳同遊

共樂太平時不在山川不在酒

扶搖閣新成

巡撫舒應龍

高閣凌霄漢，崔嵬棟院東。
萬山通間氣，一水跨長虹。
翹首三台近，凭欄四望雄。
翩翩騰碧落，蕩蕩判鴻濛。
撫劍疑冲斗，乘槎欲御風。
朝霞明遠嶠，夕照度高峰。
咫尺連丹闕，蒼茫接紫空。
市纏靜城廓，天籟響絲桐。
衣拂彤雲外，身遊玉宇中。
鳳儀瞻象魏，豹變隱崆峒。
蟾窟看攀桂，扶桑擬掛弓。
地靈何久闕，人傑待時隆。
毓秀文闈茂，掄材冀野空。
英賢欣入彀，夷夏盡朝宗。
禮樂今全盛，車書已大同。
願言黔省士，聯武謁

景州通志卷之二十一
九
宸聰

郡人孫應鰲

早罷荆門鎮言尋石戶耕風塵閒老眼立壑澹秋情
忽枉騷人劄深懷勝地盟洞泉開僻壤詞賦振韶諶
一徑層林入千巖曲竇平軒窻含宿潤箭括引新晴
雲障羅青壁霞標帶赤城龍蟠潭隱隱猿嘯谷錚錚
五躡俱旌美千竒不辨名鬼神留斧鑿造化見生成
日淨沉朝彩天澄起夜聲蔚藍盤島嶼花鳥映空明
信矣遺塵世悠然薄太清念心思得象閱世欲食英
何日褰裳去同居策杖行釣玄舒雅况發興出高評

獨往探牛斗相知冷弟兄斯遊如可遂豈羨接蓬瀛

天者三曰

一。

人

天者三曰
一。

五言律

層臺道中

巡按席春

地險悲長道，天空信短亭。
瘴烟時冉冉，穢氣尚冥冥。
水落汀沙白，雲移嶺樹青。
輕寒侵病骨，奔走魏山靈。

楊總兵凱旋

巡按王杏

渴憶元戎至，欣聞驛使傳。
油幢回塞日，鐵鉞破蠻種。
謀到降心地，功居血戰前。
自茲應劔甲，原野樂豐年。

過楊老站

副使王世隆

雨歇南荒濕，晴憎惡草繁。
茅茨依石壁，曲澗遶村墟。
戰壘連雲密，蠻音和鳥喧。
即看兵甲洗，歌舞入金闕。

貴州通志卷之二十四
途巾漫興

參政姜儀

浙浙風生樹滴滴雨滿途暮雲山堡合旅望驛樓振
故國悲遊子青山笑腐儒感時新奮用不是利名圖
元日新添喜晴

修撰楊慎

白日臨元歲玄雲放曉晴城窺冰壑迥樓射雪峰明
客鯉何時到賓鴻昨夜驚離心似芳草處處逐春生
題四松亭

哦松誰者作墨妙說升菴一自身辭北翻令色在南
風霜空獨立廊廟更何堪蒼古龍鱗在年年鎖翠嵐

碧雲洞漫興

巡按趙大佑

依舍千重樹連城百疇鶯勝遊常近郭吾意欲通名
行色窮詞賦山靈識性情憑誰析岳手為寫輞川屏

九日懷梅峰道長

巡撫張鶚翼

天涯憐九日眺遠憶登樓思出停雲外今將戩木來
酒醒猿獨嘯秋老菊增幽亦是登臨况備桑鄉國憂
月山寺

副使趙之屏

石透長谿雨人穿半壁烟蠻村沒瘴草古寺斷荒田
世事愁為病浮生拙是賢孤忠能自許彈鋏動高天

閩鴉道中

念母太恭
人壽

巡撫劉光直

萬山寒欲斂三月雨初晴虎節玉程肅霞鶴聽壽幣

春行羅鬼國雲望錦官城標柱將何術倚門慰若情

元旦書懷次韻

提學謝東山

燈火薇垣曙衣冠玉笋班風雲隨鳳輦夢寐識

龍顏鳥逐新飛絮花明舊看山縱遊貪出郭坐待暮鴉

還

次玉華高方伯威清除夕韻

謝東山

爆竹響山城天涯歲復更風塵輸甲子道路信平生
拂袖看長劍攤書對短檠沉沉殘夜酌萬里正含情

甲寅元旦

謝東山

軍城鼓角喧絳節點朝班南國同高祝邊天識

聖顏寒威收百穀曉旭破千山翹首長安道珊瑚珂
還

愛山堂四首

巡撫趙鈞

無意尋佳麗居然最遠峰始知人境裏面面有芙蓉
山翠衣前落林香燕外濃倚雲時一嘯萬里渺孤蹤
群峰如客至一一費逢迎豺虎當年穴烟霞此日情繞
身森畫戟終古作金城拓地者誰子功高不敢名
物外吾何適山中興獨便清醕甜勝蜜紫螿大如錢水
刻何妨信鷄占亦近玄風雲常出沒不分是蠻烟
勝域多戎馬夷方獨晏然世塗仍否泰吾道自山川梯

貴州通志卷五十四
引穿雲路田分隔嶺泉西南盛虎將何處有狼烟

贈石南溪總戎

遷客張紳

老將西南日雄提百萬兵斗牛橫劍氣草木動風聲
得士黃金賤投壺白玉輕池中誰赤子天外有長城

別貴竹諸友

張紳

十年與君遊千里與君別把袂意不言含杯氣欲絕
漸隔瀟湘雲空留夜郎月一曲鐘期彈知音對誰說

龍場見王伯安先生壁間遺筆

吳國倫

海內王夫子夷方亦問津斯文存放逐夫意屬經綸
一字雲猶護千秋跡未陳相傳浮海事不及問斯人

謁王先生祠

吳國倫

想像居夷日蠻王半執經
澤宮虛俎豆麟閣儼丹青
廟栢烟霜古園蕪鹿豕停
殘碑堪墮淚風雨過群靈

赤水公署

吳國倫

突兀蠻山合參差雉堞低
人家懸碧石公署出丹梯
夜靜水聲亂日高雲氣迷
牀頭白塵尾愁絕自提携

赤水苦熱

吳國倫

何事炎蒸候遨遊赤水邊
密雲浮瘴癘長日警烽烟
屋角雙厓墮城心亂瀑懸
何當御風去高步雪山巔

署中登閣望雪二首

吳國倫

署閣擁城心群峯護玉林同雲一夜合積雪尤爽潔
白髮寒相照清樽歛自斟幽蘭意不淺蕭瑟向鳴琴
不到炎方雪朝來樹亦冰城光瑤草蔓山氣玉龍騰
絕域天難辨危軒晚更憑鄉關與
京關何處白雲層

愛山堂二首

吳國倫

遠郭雲如水入門山滿堂烟霏生牖闥空翠滴衣裳石
暝依稀臥松高鶴正翔居然成野趣不解是它鄉
坐上看山好橋頭問酒來浮雲冠蓋集落日管絃催漢
將南征壘羅夷北望臺乾坤何異域萬里獨徘徊

安城道中

雲南提學李默

客遊驚歲暮猶自帶他方楚澤連天遠蠻烟引塞長
羊隨流水競春入鬢毛蒼撫事慚知已非才荷寵光

歲晏過雪山關

提學鄭旻

弭節度從龍飄然似轉蓬登攀石磊磊下瞰霧濛濛
巖絕風霜勁途逢歲月窮客心君未冷長劍倚崆峒

七星關二首

提學凌瑄

敷文萬里境叱馭七星關野水湯池險層崖玉壘闌暮
春草拾爽斜日鬢毛斑魏闕頻翹首長安北斗間
丹心不改色華髮已盈顛報國日漸短驅山春自慳

危關臨巨險，玉節照金鞵。
萬里祭文教，傳呼入紫煙。

普市夜宿

提學馮時可

旅客馳驅倦，高眠繫玉驄。
雲城荒戍冷，月落短亭空。
旅夢分寒折，羈魂警夜風。
歸與且莫嘆，天地任飄蓬。

入永安

馮時可

何意且蘭甸，竒踪處處賡。
千崖凌一澗，萬竹隱孤城。
月為山偏小，泉因石轉清。
到來忘險遠，幽興自平生。

校士冰玉亭

提學沈思克

春城瘴如掃，晴鳥任飛揚。
院靜聞文几，風清度禁香。
錦桃紅映日，明李白於霜。
圻看成蹊處，無言意渺茫。

可渡公館次韻

沈思亮

炎方炎月渡敢怠往欽哉翠嶂開塵外
蕃風解愠來溪山變穉淨平羽

以兩邊

帝功恢吾黨斐然者茲行取次裁

再遊碧雲

沈思亮

春風桃李媚再度碧雲時波蕩淵魚樂
山輝洞壑芳樽對景盡幽意問誰知
不厭乘輅過何妨秉燭

銅鼓洞小咏

乙未仲冬二十有三日
校黎平土畢回車覽此

沈思亮

行行入洞天鼓石聲填然玄竅明耿耿
窈窕流泉涓涓

明湖深霧上有通明一竅再深
有七日與漢樓荒未去塔不可測
烟霞轉尾豹與

神州通志卷三
神仙萬頃犁雲巧時哉龍見田

洞有石平鋪竟可射
餘丈故片片如雲

如血界如龍甲俗呼萬頃田一名
雲龍觀珠入自左出自右乃經此

雙明洞

教授黃閣

天外鍾佳勝偏憐僻地開懸崖喧一鳥虛谷響如雷
木自群峰落人從曲徑迴寄言車馬客知否是仙臺
烏撒感懷

范淵

看山懷古郡騎馬踏斜陽
夷落穿雲壑人家散野荒
天涯魂欲斷春夢夜偏長
未了男兒事其如兩鬢霜

雲彩江聲

郡人楊秀冕

俯檻誥高調尊開百鳥迎
流丹飛閣迥積翠傍崖明

化爲粉都成彩雲濤會作聲漁人操蓆過欵乃數峰清
三月朔日電

郡人姚世熙

已是暮春朝俄今雪電饒隨風穿漏屋帶雨點新苗
頓覺春衣薄翻疑朔氣飄農家愁絕處生事轉蕭條
過板橋

郡人沈勛

絕澗跨飛橋東屯數里遙花香隨杖履松籟响簫韶
泉石終堪隱神仙或可招愧非題柱客興致未全消

七星閣

郡人繆文龍

懸崖能閣木恠石慣棲雲鳥語驚禪寂鐘聲送夕暝
山川真不老鹿豕謾同群野興聊登賞楓林葉正紛

觀音山洞

郡人黃堂

荒林聳碧岑，又坐靜禪心。
不雨苔常濕，無雲洞自陰。
僧閒祇樹冷，鳥語落花深。
高陽有玄度，支遁足相尋。

聖泉即事

郡人李時華

誰啓陽侯府，潛通澤要門。
呼來如有約，歸去摠無痕。
潮汐乾坤竅，盈虛造化根。
急流知勇退，長嘯獨傾樽。

七言律

忠烈廟

巡撫鄧廷瓚

烈烈轟轟此丈夫，艱危志在滅強胡。
孤城受敵丹心壯，大厦雖傾赤手扶。
正氣滿腔凌日月，清名千古振寰區。
我持斧鉞來霄漢，願借英風掃叛徒。

安莊道中

巡按丁養浩

畦田百壘銷山腰，雨後流泉似海潮。
青嶂半陰看飯積，碧林秋靜聽鳴蜩。
一簾暝色人歸市，萬壑腥風虎過橋。
更待月明刁斗靜，滿天蒼碧夜迢迢。

普安公署

丁養浩

貴州通志卷五十四
好山如畫壓城頭，盡日嵐光翠欲流。
曉嶺巖巖天偏碍，月密林箴雨不知。
秋雲開錦帳，橫當戶。風約寒泉半上樓。
老我栢臺看未足，欲將書劍向瀛洲。

赤水城

巡按黃珂

城上旌旗帶雨懸，城邊草樹畫生烟。
山光秋色連千里，人語鷄聲傍一川。
望眼設勞迎過鴈，愁懷無柰聽啼鵲。
登臨直上最高處，愧若身遊萬仞天。

贈王司空凱還

巡按戴乾

玉節行邊記昔年，甘棠隨處尚依然。
一函

寶勅重分閫，兩省蒼生看解懸。
風力掃空消瘴霧，天瓢

行雨洗腥羶詩篇滿帙渾閑事勛業還歸太史篇

贈紀功黃鳴玉道長

戴乾

臺端風裁久推君野鶴年來已出群直道名高溫柱
史先聲膽落李將軍運籌已脫囊雖頡獻捷星馳露
布文當宁論功優典在隣燈應有隙光分

登城

僉事羅昕

思州城上望中州滿眼狼烟動別愁關塞極天紅日
近園林經雨綠雲稠橫披瘴癘行三部直指風霜作
九秋安得禹王重治水生靈同濟大川舟

朗溪司

羅昕

百家村落一荒司列嶂迴峰碧四垂風俗漸看同郡
國印文猶自刻蠻夷重樓鐘鼓初晴夜夾道旌旂薄
暮時自是年來親翰墨壁間隨處有題詩

和丁直指韻

羅昕

春風射策殿東頭曾許衣冠接盛流老我天涯甘瘴
癘多君皮裹有陽秋陰噓寒谷春如海笑落千村月
滿樓驄馬明朝催曉發去思人隔鳳麟洲

龍里公署

羅昕

雨過龍山翠欲流晴光多在屋西頭不隨客子愁多
瘴應共農家喜有秋松菊久荒元亮徑風塵猶碍仲

宣樓牂牁東去鱗鴻杳半載無書到廣州

按部思州聞新守熊君將至

副使沈庠

僻郡巡行當此日新侯遠到自南都得人先為民情
喜對景偏令客思孤數里山城隨上下幾區官舍總
蕭疎屈伸隨處從吾道天地何人是丈夫

登城

沈庠

城遶青山水遶城坐中風景一般清若為仙境宜無
跡信是桃川空有名平日身心方覺定通宵鷄犬不
聞聲四隅褊隘憐如斗惟恐人來說調兵

圓通寺

沈庠

貴州通志卷二十四
禪關寂寂影山腰坐聽松聲海上潮衝破曉煙常見
鶴噪殘秋色不聞蜩賞心謝客閒居塔禁足幽僧不
過橋風景依稀猶在目烟光雲影路迢迢

思南公署

沈庠

僻郡無城四野荒小亭清坐日偏長得從淺水移舟
穩敢恠青山笑客忙地向西南通蜀道人從東北望
吾鄉朔風此日催寒急猶自天涯理敝裳

思南道中

副使陰子淑

陰雨初晴鷄亂鳴輅車行處未天明嵐深只說山無
路林靜還聞水有聲一曲鏡湖何處乞數莖霜髮此

中生僕夫莫憚驅馳早已有田翁接隴耕

龍岡謾興三首

文成王守仁

投荒萬里入炎州却喜官卑得自由
心在夷居何有陋身隨文隱未忘憂
春山卉服時相問雪塞藍滄每獨遊
擬把犁鋤從許子漫將絃誦比扶溝

路僻官卑病益閑空林恠聽鳥間關
地無醫藥憑書卷身處蠻夷亦故山
用世謾懷伊尹耻思家獨切老萊班
夢魂兼喜無餘事只在耶溪舜水灣

歸與吾道在滄浪顏氏何曾擊柝忙
枉尺已非賢者事斷輪徒有古人方
白雲晚憶歸岩洞蒼蘚春應遍

貴州通志卷五十五
石床寄語峰頭雙白鶴野夫終不久龍場

平溪館次王文濟韻

王守仁

山城寥落閉黃昏燈火人家隔水村清世獨便吾職
易窮途還賴此心存蠻煙瘴霧承相往翠壁丹崖好
共論畎畝投閑終有日小臣何以答君恩

陸廣曉發

王守仁

初日瞳瞳似晚霞雨痕新霽渡頭沙溪深幾曲雲藏
峽樹老千年雪作花白鳥去邊迴驛路青厓缺處見
人家遍行奇勝才經此江上無勞羨九華

過天生橋

王守仁

水花如練落長松雲際天橋隱白虹遼鶴不來華表
爛僊人一去石樓空徒聞鵲駕橫秋夕謾說秦鞭到
海東移放長江還濟險可憐虛却萬山中

過七盤嶺

王守仁

鳥道縈紆下七盤古藤蒼木峽聲寒境多奇絕非吾
土時可淹留是謫官猶記邊烽傳羽檄近聞苗俗化
衣冠投簪實有居夷志垂白難承菽水懽

清平衛即事

王守仁

積兩山途喜乍晴煖雲浮動水花明故園日與青春
遠故緼涼思白苧輕烟際卉衣窺絕棧時仇苗峰頭

戍角隱孤城華夷節制嚴冠履漫說殊方列省卿

興隆衛書壁

王守仁

山城高下見樓臺野戍參差暮角催
貞竹路從峰頂入夜郎人自日邊來
鶯花夾道驚春老雉堞連雲向晚開
尺素屢題還屢擲南那有鴈飛回

羅舊驛

王守仁

客行日日萬峰頭山水南來亦勝遊
布谷鳥啼村雨暗刺桐花暝石溪幽
蠻煙喜過青楊瘴鄉思愁經芳杜洲
身在夜郎家萬里五雲天北是神州

謁武侯祠

王守仁

殊方通道是誰功
浩氣威靈皇眼中
八極風雲布時
雨七擒牛馬壯
秋風豆籩遠壘
溪蘋綠燈火幽
祠夕照紅千載
孤貞獨凜烈口
碑時聽蜀山翁

給書諸學

王守仁

汗牛誰著五車書
累牘能逃一掬餘
欲使身心還道
體莫將口耳任
筌魚乾坤竹帙
堪尋玩風月山
窻任卷舒
誨爾貴陽諸士
子流光冉冉勿
躊躇

送楊巡撫出師征鎮筵

巡按張佑

曉晴牙纛照南城
天上征書屬老成
文正甲兵胸自
富伏波銅柱界
還明轅門氣壯
貔貅勇玉帳風
高大

豕驚籌策莫嫌勞
萬里邊民翹首望昇平

平越公署

張佑

五更風氣淨邊埃
天上分明繡斧來
啼鳥有情花露散
遠山如揖瘴煙開
寫懷不作驚人語
歇馬還登月裡臺
萬里南荒勞彈壓
曉窗無恙破深杯

鎮遠道中

按察使陳洪謨

三楚山川此地窮
夜郎西望古南中
百年治教衣冠變
萬國梯航道里通
芳草郊原春意藹
古槐庭院午陰叢
江天渺渺風波靜
廓應懷苑老功

興隆香爐山

巡按周廷用

龍從爐峰樓碧烟諸山羅列似戈鋌犬羊舊恃三苗
窟驃騎新收一統天風雨晝來喧戰鬪草茅晴擁帶
腥羶馬援去後今千載誰似將軍再拓邊

軍中感興

按察使李麟

感時清淚欲懸河性底饑氓力負戈學道孔門惟姐
豆仰高武邑止絃歌猿緣絕磴霜前急馬塔層冰雪
後多忽憶天瓢誰倒挽洗兵消息竟如何

石阡述懷

知府祁順

男兒弧矢平生志歷遍中華到石阡椎髻卉裳荒服
地劍牛刀犢太平年雨餘山翠開圖畫夜靜泉聲落

管絃俗客不來公事簡倚窻頻和白雲篇

又

和順

不獨桃源道路深此中幽僻更難尋山泉恬淡有清
意庭草低回無怨心曉榻白雲侵紙帳夜窻明月伴
瑤琴衰時幸與閑中稱且作先生號醉吟

登樓寄友

和順

嬾把裘情詠十離窮邊風月樂相隨閑傾六一先生
酒徧讀柴桑處士詩雲鎖洞門無客過翠交庭草有
春知君親睽隔心盟遠世路悠悠不盡思

送和知府

參議林同

當宁憂民率舊章銓曹擇守為避邦萬言已試經綸
策千里何勞撫字方粉署才名高北斗薇垣節旆凜
秋霜幾回默誦停雲句離恨悠悠漳水長

鎮遠道中

巡撫徐問

偏橋道中雨不絕鎮遠山前連日晴路出南荒諸嶮
盡水從東匯亂溪平憂時只益星霜鬢多病空懸犬
馬情到處孰然梅常道渴炎天如火倦修程

軍中感興

副使林茂竹

煙樹蒼蒼佳氣籠孤城遙鎮萬山中春郊水臙耕犁
滿幕府天寒盡戟雄狐鼠何時歸掃蕩千將此日費

磨龍石書生原未閑軍旅獨把忠誠卷

九重

新添述感

巡按王杏

貴筑年來不問兵豺狼踪跡遁周行堤邊流水增新
塹峰頂連雲補斷城已見荒郊牛犢茁漫期夷俗爾
絲成采風未了澄清計望日瞻雲總繫情

香爐山

巡按楊春芳

隱隱爐山雲外浮將軍從此奮戈矛儵然谷口遺骸
積不盡溪聲帶血流憶昔誰能知曲突至今人尚說
焦頭孤城遠戍豺狼地立馬斜陽一悵惆

平曠道中

主事夏言

落日荒村生紫烟，橫峰疊障畫屏連。
行雲帶雨穿松塢，野水流香出稻田。
蟲響空山秋榻靜，月斜孤壁夜堂偏。
不眠起坐千憂集，城角無端到枕邊。

送熊經藩之婺川

修撰楊慎

驪駒載道何駸駸，飛鳥遙下蠻江浔。
鴈鴻不度牂牁國，虎豹常啼楓樹林。
鳴琴仙室白日靜，鎖印公堂朱夏深。
水蘂肯移清吏節，卉裳須服野人心。

讀景川曹侯開河碑

楊慎

將軍玉劔塞塵清，餘力猶將水土平。
象馬邊隅開貢

貴州通志卷三十四
道蛟龍窟宅真夷庚史家底事遺經濟郡乘何曾絕
姓名幸有琳琅播金薤可無蘋藻薦芳馨

關索廟

楊慎

關索危嶺在何處猿梯鳥道凌青霞千年廟貌猶生
氣三國英雄此世家月捷西南武露布天威南向陣
雲賒行客下馬一酌酒侯旗風偃寒吹笳

復沈總兵

巡按趙大佑

將軍閶闔聲華久玉節牙璋總制遙燕頤曾聞班定
遠揚誰是霍嫖姚雙江韻興思銘石五嶺材官望
挿翹授簡愧非司馬手好文聊擬伏波謠

九日新添道中聞邊警

趙大佑

病起東行菊始華
懸車終日石林斜
湛空玉露雙洲水
鳴葉商聲萬樹霞
風急羽書天北騎
秋清客夜日南笳
何方解識承平運
朋酒公堂樂歲家

賓陽洞

趙大佑

春盡碧雲曾客遊
歲餘東道寄冥搜
沉埋窟宅蛟龍合
蘊積精靈天地留
避俗來分瓊藻席
洗心宜泌玉壺秋
多君幽意能將引
問道名山共點頭

重陽夜月

巡撫王學益

秋日荒遐也
淨埃客懷何處一
登臺風高絕
微無來

鴈霧隱深崖有避豺茱酒謾為佳節進菊花遙憶故園開平生經世心非少多病於今欲乞骸

玉陽洞

巡按張渙

洞中春酒釀薔薇塵外三仙日下歸
隔嶺碧簫猿鶴近侵衣
瑤草芷苓肥一樽共飲東風輕萬里誰知此道非
歌罷水冷花片片斷雲殘雨點斜暉

烏撒感懷

張渙

西使曾經莎部國南巡又度阿里山
雲烟萬首盤幽磴雨雪鴉居扣暮關
壯志空憐青鬢改殊恩真媿紫泥頒
鐵橋銅柱風斯遠何事王陽馭不還

鎮遠道中

巡按張雨

南去滇南踰咫尺北瞻極北是長安
海桑日觀千門曉垣竹冰壺五夜寒
謾有風雲生足下不妨車馬動江干
月明疑是王喬侶落盡梅花十二闌

又登山一首

張雨

使節當年客華山曾於仙掌一躋攀
應知選勝烟霞外那得憑虛屢市間
此處諸天三界近何人雙鳥五雲還
請看銅柱東南際未許邊峰入漢關

送謝東山督學貴州

總修楊名

六月輶車遠渡瀘龍山小集喜聯珠
光芒射斗青萍

劍香氣蒸雲碧玉壺
籌幄舊功收衆將
經堂新化見群儒
高風好問龍場驛
可有當年魯共愚。

谷里驛夢同時舊僚

巡撫劉大直

三月春寒夜被涼
京華清夢舊明良
十年道契金蘭雅
千里神交山水長
鄙吝萌時憐叔度
孝文數處愧文疆
殊方上苑風塵迥
檢束酬知敢自違
寄曾少岷楊升菴朱南谷諸老

提學謝東山

芙蓉江上占星聚
魑魅山中坐日斜
千里有懷停酒
殘三年無信報瓊華
嵐烟瘴霧變蓬髮
白鳥青天一

鉤榭未遂拂衣陪勝賞暮林啼殺後棲鴉

元日次葵山韻

謝東山

處處紅梅點綴花
蒲城歌舞競繁華
葵心轉却天邊
影草色連江夢裡家
野興聯翩食並騎
詩情潦倒笑塗鴉
紛紛世事何須說
醉倚闌干望斗槎

憶楊升菴

謝東山

筓輿日日亂峰間
底用吾家夜齒攀
留滯春光三月
聞等閒客路萬花殷
水流洞口未何處
雲冷仙人去不還
瀟水儻居元是客
解朝賦好不須刪

留別貴陽諸子

提學蔣儒

春風三度髮成絲桃李初開滿院時
叔子放教西蜀去考亭恨作遜翁
遲陰霾白日何須論鶴馭長風信
可期亭上歌聲曾入夜諸君記取莫教違

又憶貴陽諸子

蔣信

忽憶鳴琴月夜堂倚欄諸子和聲長
陽春新曲知還好靈藥仙丹覺未忘
貴竹何年絃誦滿祝融回首骨毛香
從今欲問煙霞窟已卜朱陵飛雪傍

清平賓陽洞

蔣信

青山臨路石門開天地神工亦異哉
不有仙人能指點何由竹杖得紆迴
玉芝倒映蓬萊閣氷雪寒侵

牙臺驅馬歸來應歲晚一樽須醉月明回

石阡公署

僉事龍遂

綠林煽毒自何年寂寞孤城幾戶煙西廓層巒呈異
石沿林曲澗擁芳阡弄晴好鳥爭相和映日奇花自
可憐安得疲癯長並育直須作郡屬才賢

秋夜偶讀貴州志用謝憲副韻

巡撫張鶚翼

瑤篇讀罷燭生花秋盡庭除送月華諸謝風流誰最
雅 盛明制作此為家傳經座外鳴吻鹿振鐸聲中
散曉鷄愧我老非張博望高風擬指泛星槎

平壩聞笛

按察使鄭綱

山空月白秋蕭蕭，
笛聲一聽魂欲飄。
楊柳故園盡搖落，
關山極目仍迢迢。
路難不得繫書鴈，
夜夢忽隨覆鹿蕉。
旅懷惆悵不可柰，
攬衣起坐終清宵。

東坡書院和慮吾道長韻

巡按陳效古

午春憇馬一登造，
慵攬征鑣促去騶。
堪羨此山真洞府，
更誇何地是瀛洲。
鶴巢樹杪因松伴，
雲補山頽為石留。
清興未闌煙樹渺，
夕陽移影薄山頭。

威清除夕

巡撫高紳

毳幕高承夜雪寒，
四山瑤色照臺端。
使軺未厭西南

險眼界真餘天地寬
兵甲喜先降劇虜歲時行
值薦辛盤浮生到處俱堪適
更役吟魂醉倚闌

王翁閱城次韻四首

按察使陳堯

窈窕城隅竹樹陰
盡熊文豸此登臨
建牙鼓角星河動
露冕風霜關塞深
秋水席前浮玉盞
晚山天末對瑤琴
邊人共識王喬履
猶恐飛鳥入禁林

鳴笳疊鼓泛蘭舟
經畧能分

聖主憂玉柱
擎天光上國
錦帆迎日漾
中流坐憐沙鳥
忘機事行櫨
江籬賦遠遊
幕府况薰人
物盛碧山池
館是瀛洲

萬壑風煙一草亭。公來延眺眼。常青林間花。映烏臺。
簡洞裏苔封玉笈。經望遠。振衣雲漠漠。凌高飛。蓋日
冥冥。更憐開府多清暇。鍊藥餐芝。養性靈。

冠蓋逢秋出郭行。放懷天地一身輕。指揮將吏金章
合。感慨年華碧石生。座擁山川迎使節。筵開絃管雜
邊聲。知公不久歸台鼎。黃閣雲霄萬里情。

碧雲洞

副使焦希程

曲洞吞溪十里幽。一方佳麗冠南州。龍垂絕壁神疑
動。烟滿懸崖翠欲流。天際軒窗來日月。水中絃管自
春秋。靈山况復逢人傑。此日登臨屬壯遊。

過偏橋道中

巡按鍾沂

乘驄梯石幾迂斜，持斧行邊任落花。
帝德已施荒服地，春光不擇野人家。
風霾掃處消山瘴，天日回時接水涯。
屈指瓜期何日是，桑園綠酒泛紅霞。

七星橋

僉事蔣春生

誰假蒼龍下碧空，崦崖蟠據著神功。
兩餘潭底沉清影，月出雲間見白虹。
萬里路通滇蜀合，七星關占古今雄。
觀風幾度停征憶，回首天涯似轉蓬。

南樓

遷客張翀

萬里頻年此夜郎，戍樓羌笛幾斜陽。
鄉心最怕青山

遠客思應同流水長落葉有情悲聚散塞鴻何事走
炎涼憑欄把酒天邊月一劍風塵髮未霜

新添道初度用韻

僉事周以魯

為客俄驚鬢欲華長途終日任橫斜馬行綠墊濡秋
露人對青山起晚霞壯志幾年懸佩劍鄉心一夜滿
鳴笳生辰却喜新添道沾得光風即是家

遊西峽山

知府周英

經歲不尋西峽舟與君偶復作清遊山含細雨衣全
濕水泛青天身若浮人世幾番塵土夢親闌萬里髮
毛秋短蓬未許全收拾更有煙波闕海頭

題高士梅軒

周瑛

婁溪盡無車馬諠靜愛寒梅結素軒風送暗香來几
席月移清影到琴樽花如東閣時裁句人似西湖畫
掩門應是江南宜歲晚先春和氣發乾坤

過盤江河

巡撫杜拯

泛泛盤江二月天一蓬瘴雨夜郎船渡頭草樹雲垂
鎖袖裏換御客自憐太液恩波勞夢想劍池春水隔
風煙臨流此際情何限極目湘雲思渺然

銅崖山

提學吳國倫

雙江渡頭水磷磷孤嶼飛棹如有神天造中流一柱

觀地標何代三銅人野航送酒小於葉彩蝶當磯重
作綸良道金焦獨勝巒山一自無風塵

分署即事因示諸生三首

吳國倫

華髮滿湘一腐儒 詔從偏國領生徒署依藏甲巖
前石山作橫經帳裏圖千樹雲霞標古閣八番冠冕
視名都當場卻問諸年少榻管能言帝力無

谿上春雲擁石闌遠峰羅列鏡中看窺簾鷲雀晴空
下遶閣松杉白日寒多士漸親都講席無聞塵者進
賢冠夷方處處絃歌發為報唐廷更舞干

夜郎新造古... 武才賢異漢時... 府霜華森佩

劍橋門星彩錯囊雖諸生護擬三鍾頌病客慰稱本
藝師薦士肯如楊得意只從詞藻浪相知

古栢

吳國倫

古栢蒼蒼憲府開清陰常覆讀書臺千霜自飽華林
色萬石遙撐大厦材龍甲參差排瘴癘鵲巢安穩寄
風雷漢廷朱博非儒吏列樹朝烏總浪猜

銅仁公署

吳國倫

清秋行部五溪西立馬山煙四望迷沙磧中分江大
小郡城斜倚石高低箐茆一旅夷關險禾黍千年楚
甸齊誰為承平憂保障莫教豺虎隔林啼

貴州通志卷三
抵畢節

吳國倫

九驛途窮役未停
荒城到客雨冥冥
銅符扼險依三蜀
鐵柱臨關鎖七星
虛擬輜軒能問俗
且隨童冠一傳經
攬衣空館微吟好
郭外群峰遶案青

在畢節簡沈從善兵憲

吳國倫

百雉城開九驛西
千家黯淡石林棲
觀風漸與烏蠻近
辟瘴仍愁赤水迷
首宿雨肥初縱馬
稻花風暖更占鷄
非君鎮靜多籌策
何得夷方息鼓鼙

過層臺驛

吳國倫

野潦奔鳴石逕斜
疎林殘日見田家
編籬羊護印王

竹筍塢新開，帝花荒微，高山連蜀道，遠人重譯，隨
京華鄉音斷絕，愁如夢，何處風高急暮笳。

過白厓驛

驛故阿落密地

吳國倫

箐林幽窈石巖從，永日驅馳轍未窮，驛道久通滇蜀，
使居人猶雜漢夷風，厓間板屋依雲架，塞外芒山入
雨空，赤水寧辭三峽遠，雙魚為寄楚江東。

愛山堂

巡撫嚴清

今年迎客臨郊館，却憶去年為客時，倏忽風雲多變
幻，居諸日月易推移，誰言款段能千里，自分鷓鴣足
一枝，我故愛山山愛我，看山尋起住山思。

關索廟

嚴清

將軍廟貌倚山巔萬壑千峰擁後先
百戰威名今尚在 一方裡祀舊相延
孫曹幻業烟雲散父子精忠日月懸
我欲推公鄉井念更煩英爽為周旋

石芝洞

知府陸從平

天空雲靜萬山明太守乘軒野外行
宮柳絲含春色嫩隴梅香染客衣
輕夢中芝石曾相侶洞裏神仙舊
問名安得青牛尋宿約便求羽化了平生

赤水城

副使王炳然

孤城勢若一壺懸雨後林巒起白烟
負郭青山無險

地當時赤水是寒
誰家喚客秦鸚鵡
杜鵑聞說東來堂
不雪風光多是嶺南天

龍山次司松滋見慰

鄒元標

龍山深倚碧雲西
秘殿崔嵬拂綵霓
已恠烟塵何渺
渺那堪風物更淒淒
荒村老我猶狂興
石上逢君續
舊題
遠客從來多勝跡
可能携手賦愚溪

同諸子登丹臺

鄒元標

黔南流滯數年身
不禁憑高發興新
童冠可追沂水
祭咏歌遙遡舞雩
春雲開樹嶺迎
遊客鳥嘒笙簧款
醉人病骨自憐
還自惜肯教青鬢
老風塵

書殿壁

鄒元標

峇峩雄鎮亦名境不到其如負一生雲帶玉屏雙嶂
出天垂匹練一江橫坐聽虛籟心能靜俯瞰平林世
欲輕黃綺仙童如可問吾將結屋傍雲耕

讀書堂偶興

鄒元標

寂寂寥寥楊子居悟來那用五車書春凝池畔蓮將
茂綠滿窻前草不除得意舉杯邀去鳥會心束手伴
遊魚惺惺正屬吾家事未成無成歲月虛

又

鄒元標

紅塵玉案休相侵為愛名山即道林殘卷開題珠影

遍空齋長掩白雲深眼觀大易原非畫彈到朱絃別
有音何處更尋精粕句斲輪先已得吾心

登黔陽城

提學馮時可

黔陽寒色老青楓徙倚高臺落葉空涕淚天涯秋易
墮詩篇海內晚逾工千山落日徐收紫一水飛霞半
映紅同賦望鄉愁自絕不堪烟樹障江東

都勻道中口號贈夏逸人

馮時可

客路悠悠澆夜即馳驅漸入瘴煙鄉都蠻落日恐行
旅野老烹茶迎道旁杖策無言機事少停車有客贈
歌長四隣終歲熙熙樂似伴庚桑樂歲穰

七星橋

巡按陳效

誰道星槎落碧空
往來利涉亦奇功
嵐光拂檻開晴嶂
瀑布穿林走白虹
烏鵲千秋填羽翰
江流萬古任英雄
憑虛讀罷楊雄賦
彷彿乘風到海蓬

新添驛初度用韻

巡撫王體復

茲辰去歲遇京華
遠道今時望眼斜
萬里星光朝斗極
千山日色帶晴霞
鴈聲不到黔南地
蝶夢還愁塞北笳
浪跡浮生思報主
炎風朔雪總天涯

謁武侯祠

巡按薛繼茂

先生祠宇駐江湄
當日英雄想見之
開濟三分成鼎

業精忠二表出初師欲憑野老尋遺話但有烟雲
怨思羽扇綸巾元不俗相看還似草廬時

又

鄒外青山漢相祠江空木落雨絲絲龍岡人物遺
代魚水君臣自一時雙蝶故迷芳草色寒鴉飛上
棠枝攀芳薦罷徘徊意無限閒愁識者誰

來喜堂

薛繼茂

萬家春樹擁亭臺挾興飛攀亦壯哉兩氣激蓬蓬海
島烟光縹渺接蓬萊天邀山色當軒住劍劍蓮花對
酒闌欲取筆峰聊紀勝登高作賦愧非才

東園漫興

巡按楊宏科

小苑幽幽散客蹤
滄洲何處不相逢
徑饒素影全因竹
亭鵲繁陰半是松
嘯隔蓬山雲外合
坐忘閑鳥榻邊
從最憐北牖風
未細此日羲皇興更濃

北巡聞捷

巡按應朝卿

北去峇嶺路轉高
征駢象入雲霄
鑿空不費金珠力
傳檄何如司馬勞
千嶂忽隨盤水拆
九溪遙接海潮遙
南潮遠人莫道吾
多險已報王師破
釜巢

發蘭州

時丙申仲夏
度日也漫吟志感

提學沈思克

南飛吹徹浪愁人
何事馳驅渡遠津
瘴外八千餘里

客夢中三十六年春望迷眼底青山老
撥向頭顱白髮新腸結劬勞渾欲斷
生兒射矢莫教頻

龍塲驛

丙申六月朔西巡回經此

沈思克

振鐸西南轉使輪
堪嗚羅鬼傍人馴
青山綠陌明時景
烏語雕題六百真
歷盡九夷誰曰陋
渡殘五月亦疑春
吾鄉送客今如在
一點良知處處新

七星橋

沈思克

山關樓閣倚霄空
荒壘猶傳諸葛功
不是孤衷懸日月
誰令到處望雲虹
星連北斗奎章燦
橋鎖西陲天塹雄
再度登臨吊千古
振衣濯足洗心蓬

文昌閣

愈事方萬策

東瞻紫氣鵠扶桑，可是帝星蒞上方。
十里芙蓉迎劍鳥，一天奎壁挂松篁。
星河半插文峰麗，日觀高臨東壁光。
此地靈符多駿足，莫令風雨暗康莊。

南山霽雨

方禹策

樓外青山黃鳥栖，長空如拭絕雲壁。
今朝霽色連城曙，昨夕颼風送雨霽。
一水遙分懸濯錦，叢林不斷掛長霓。
南峰片片蓮花畝，滿地芳菲試自題。

秋日登扶搖閣觀筆

知府劉之龍

飛仙何處採烟霞，擲筆凌空積翠斜。
古樹龍蛇盤作

字群峰藹藹簇生花
狂來欲拂雲笈染興到
備宜酒
思賒秋色樓臺凭一望
不堪天外蜀雲遮

忠烈廟

劉之龍

聞說睢陽保障時
曾同張許共艱危
乞師空墜賀蘭
指飛矢猶含忠憤詞
力屈匡扶悲社稷
笑歸泉壤是男兒
殊方廟貌存禋祀
目斷中原有所思

七星橋

主事染佐

峴崖飛閣倚長空
鑿石尋源誦禹功
地迥鼇門洵畫
雪天低蜃棟拂晴虹
三巴西樓虬龍靜
六詔南通象
馬雄我欲乘風生羽翰
星河雲海泛飄蓬

次莊定山韻

教授方琴

竹弄清風柳弄烟
小齋隨我度流年
有書不厭黃昏
讀無事何妨白晝
眠望日遠懷天
保頌悲風常憶
羨
莪篇平生大節
慚無補空對宮
墻坐惘然

永寧道中

教授陳時雨

千樹梧桐一徑長
秋聲夜雨似瀟湘
僧房滴處消殘
燭客枕聞來憶
故鄉鳥宿枝頭
多冷落蛩吟葉
底倍
淒涼好披雲霧
開天眼直上高
岡觀鳳凰

題諸葛武侯祠

斷事徐應驊

萬古流傳惜武侯
黔江廟貌已千秋
伊周事業成三

顧巴蜀偏安時九州忠貫丹心昭日月義扶漢胄為
炎劉臥龍身殞知天意仲達奸謀得自由

渡牂牁

李景山

歸與何日是真歸慚愧山林與願違垂老八千餘里
謫回頭四十九年非窮途野水黃雲渡夢裡田家白
板扉珍重沙禽頻見下也應知我又忘機

黎平署中

卜同

宦途遊轍幾經霜行到南封近越裳湖水偶來徐孺
宅家山多近鄭公鄉軍中按堵無邊檄天下咸威有
報章明日萍踪又何處山川宿負未曾償

身州通志卷五十四
黎平署中

馮天秩

舊歲仲冬辭 帝闕今春薄暮入
黎平燕封魏域三千里楚水湘山四十程
回首北瞻紅日遠傷心東望白雲輕
平生不晤陽山夢今日陽山夢已明

北門樓新成

董綱

層樓高結彩雲端畫棟翬飛紫翠攢
山勢北來如鳳舞溪流南下若龍蟠
星河影落秋光早鐘鼓聲催曙色寒
想得公餘有清興時來吟詠倚闌干

題郁道者新建善應橋

沈勗

飛石攢空若畫成跨溪環洞巧經營
水從玉竦腰間

過人在金螯背上行應有素書堪進履豈無駟馬更
題名適來偶倚危闌看偏喜滄浪可濯纓

萬松軒

沈勗

先生高隱即徂徠遶屋清陰覆綠苔萬樹總為霜雪
操一林云是棟梁材窻間羽翠風前落谷口鸞笙月
下來聞說摘花多釀酒蟻香銀甕幾時開

遊城南新洞

楊彞

山腰誰鑿洞門開絕谷層巒亦壯哉滿地白雲無徑
路一溪流水隔塵埃欲從阮肇尋源去曾見初平叱
石來勝覽於人隨處有何須海上覓蓬萊

永寧道中

楊一溪

十峰飛雪濕征裘
戍壘高臬拜子頭
山郭草亭宿葉
雨野人籬落菊花秋
樹明紅錦初來鴈
稻熟黃雲晚
戰牛彈壓祇今勞
碩德迤西從此可無憂

書懷

陶心

青山此地可為家
絕壁烟蘿入望賒
靜院日高深竹
色古壇風細碎金花
夙緣漫結三生石
塵夢能醒七
碗茶長笑一聲天
地窄彫瀟蓬鬢帽欹斜

送熊宗德知思州府

倪岳

誰道思州萬里程
駢駢五馬亦專城
催科自署陽城

考遷秩猶殊賈誼行九折已經今日道一腔肯負舊
時盟停着定論來廊廟盤錯須知老更成

送熊宗德知思州府

俞雄

作郡憐君去路長解携江澣倍淒涼燈前舉白情難
盡眼裏垂紅蓼正芳上國有誰同管鮑遠人從此識
龔黃鳳翰未許終棲枳行擬徵書到夜郎

東山高隱贈陳明府

郡人王訓

百里花封早掛冠東山深處好盤桓公卿不入新來
夢父老猶思舊任官鞭犢試耕雲半畝聞鷄常臥日
三竿不應海內思霖雨却使蒼生望謝安

貴州通志卷之五
玉陽洞二首

郡人蔣宗魯

雲水南明萬象天，奇蹤異宇洞中玄。
瑤壇翠柱虬龍見，華蓋丹巖鵝鵲旋。
澗道風泉開遠嶽，石門花霧帶平川。
蓬瀛仙侶耽春勝，對酌滄洲思爽然。

玉陽崇觀枕山嶢，積翠飛瓊接紫霄。
北闕遠瞻雲物近，西樓獨對海天遙。
洞仙鶴舉遺丹竈，瀛女鸞鳴起響碧。
簫多病長卿，何日起半將身世混漁樵。

川上學舍歌

郡人李涪

萬頃清光水上樓，主人野性喜朋儔。
空濛山色晴如雨，欸乃江聲天欲秋。
縣榻談經名已廢，拂衣作賦道

誰留坐中自有陽春調袖裏明珠豈暗投

秋日登晉濟閣

李渭

高閣峰陰人獨立碧梧秋色滿江城
松巒月落猿啼冷雲路風後雁自驚
紫塞未傳銷甲信玉樓猶聽擣衣聲
年年對菊誰無賦此日樽前意未平

中和山

郡人姚世熙

霜洲木落意踟躕蘭紉秋風滿客駒
共道吳門知白練可能赤水拾玄珠
袖中明月人何似曲理青山調自殊
寒暑空悲雙鬢去乾坤還借一身扶

御峰秋色

郡人宋昂

寶水通志卷五十四
四
獅峰越絕鎮炎方粧點秋容接混茫萬仞層崖涵積
翠一林寒葉醉清霜嵐光掩映歸鴉障曙色薰微起
鴈行正是行人分手處桂花香滿薜蘿裳

惠泉

郡人汪琮

混混原泉出碧岑隔窻疑似鼓瑤琴分來一竅雲根
脉瀉作千年太古音涓滴自能驚俗耳清冷端可滌
煩襟伯牙不死鍾期在流水高山豈用尋

清流三烈

郡人蔣其賢

梧州江水何漫漫蕪天波浪六月寒倉惶是賊割家
女慷慨赴死竟藤難丹心不泯鐵石爛白骨未死蛟

龍蟠丈夫節操有如此高名千古綱常完

挽薛明府母節

郡人許一德

玉露凋傷叫夜烏推殘毛羽獨將雛
葉砧月墮青鸞掩髮髮霜橫白鴈孤
潘岳板輿花萬樹陶公鱉鮑柳千株
芳名四遠蘭臺筆錦字璇題作畫圖

貴竹清風

郡人葉自新

千畝修篁遠貴陽萬竿幽韻擬蒲湘
踈在雲水明江渚翠屐琳瑯隱鳳凰
簞簞高稍能正直蕭蕭勁節不顛狂
渭川嚴瀨無心處羸得流風勝

廟廊

五言絕句

流夜郎題葵葉

唐李白

慙君能衛足嘆我遠移根
白日如分照還歸守故園

送客

唐張文昌

借問炎州客天南幾日行
江連惡溪險山遠夜郎城

宿大萬山

副使陰子淑

駐節萬山中庭空徹夜風
淒淒聲在耳似為訴人窮

窮

畢烏道中值雨二首

五月初

提學沈思克

村村苦憔悴望望渴雲霓但使郊原渥不妨使輶
泥

甘雨逐車來稿苗隨雨起勉旃二三子曷不化如
彼

六言絕句

靈岩道中口號

共八首
四首

棋學謝東山

巖儉家家採蕨煙
處處燒畬白日愁
穿鳥道紅塵
喜見牛車

土虜迎官陌額郵
人候客鋪松悵望
梁山紫翠依稀
錦水芙蓉

土俗生人祠鬼山
田野馬侵禾走卒
空勞控訴官家
莫肯誰何

童子雕蟲爛熳道
人木鐸丁寧文物
當今華夏溥風
有古大庭

登分署後山小飲四詠

提學吳國倫

遠院峰陰突兀分庭樹色婆娑雙鶴載鳴載舞一樽
自勸自歌

小閣縣臨萬象危峰自占一壑誰信抱書為吏還能
閉戶登高

城郭家家厭雨山川面面出雲天畔老夫獨坐閣中
野色平分

樽盡萬山垂暮竹深五月如秋薄霧將舒忽捲醉翁
欲去還留

七言絕句

送人赴黔中

唐權德輿

一樽歲酒且留歡，三峽黔江路難志。
志士感恩無遠近，異時應戴惠文冠。

贈王昌齡

唐李白

楊花落盡子規啼，聞道龍標過五溪。
我寄愁心與明月，隨風直到夜郎西。

聞酺不與

李白

北闕聖人歌，太康南冠。君子竄遐荒，漢酺聞奏鈞。
天樂願得風吹到，夜郎

貴州通志卷之五
寄祁致和知府

白沙陳獻章

六年飽讀石旰書習氣而今想破除
雪月風花還厭我不曾閒過邵堯夫

流寓雜詠

修撰楊慎

界首飛泉瀑練懸紅崖迥異絳霄連
關名彷彿魚鳧國橋記分明傅穎川

千層石蹬陟雲岑
夜市千燈瞰碧潯
遊女踏歌梅渚月長衫高髻似雕陰

金毛仙卉號崖薑
星作繁花石作房
地秀莫言中土隔炎皇
岐相總魯嘗

水峽風煙接大洲翠屏青嶂繞丹丘當年若使王猷
見那肯輕回雪夜舟

林雲箬霧不分天清露常如雨線穿百里迥無烟水
接依稀猶似燧人前

綺繒纏髻作雕題鐵距穿鞋學馬蹄清曉樵斤探虎
穴黃昏汲甕下猿梯

銅鼓聲中夜賽神敲釵擊釧闔金銀馬郎起舞妖徒
唱惱殺常征久戍人

龍馬先朝出養龍御前賜名飛越峰人間神駿寧無
種天上孫楊不易逢

貴州通志卷三十五
曲溪山閣留別李曲溪子

楊慎

東風樓上水盈盈為鼓離鸞一再行
明日梁園懷李白寒山一帶短長亭

宿銅仁大萬山

副使陰子淑

東風與我共驅馳今向荒庭惜別離
莫惟多情底相戀也知重會隔年期

阿落密歌

提學吳國倫

鼓子花開六月寒烏丸稻熟且加餐
南人新解巴渝曲荻管聲聲蜀道難

滇人未盡蜀人過車馬如繩柰軾軻莫以相逢非故

舊三杯同買聽夷歌

道中望芒部諸山有作示諸生

吳國倫

芒部山深古木多飛桴遠下赤虺河若非大厦須梁棟那得工師執斧過

七峰擁秀

僉事方萬策

一望青山落日曛斷橋流水隔溪聞武侯征旆知何處遙指林間是白雲

天橋古洞

方萬策

落落懸泉下碧峰天飛片石駕長虹蓬萊此去無歧路繞樹桃花片片紅

漁磯

教授黃閣

萬山春樹思無窮
美日看花處處同
一曲磯頭還載
酒半空雲影落杯中

萬勝山

郡人田秋

青崖斗絕競崔嵬
曾為邦人捍大災
今日承平皆甯
畝千家面面看樓臺

香爐灘

田秋

灘心洲嶼平如砥
齒齒白石青可擘
款乃滄浪歌孺
子萋萋芳草怨王孫

清平瑞竹

孫應鰲

一本高抽八節奇即從九節旋
枝滿林時引鈞天
奏聽到無聲抵自知

翠葆聯翩紺纒攢從今日報竹平安
益知勁節冰霜骨也似芙蓉結合歡

蒼龍兩兩躍澄霄赤日停輪黑霧飄
尺尺莫愁風雨至神靈同護最長條

康濟無能合退藏顧憐菲薄愧嘉祥
竹生紫脫兼連理自是君王泰道昌

輓薛明府母節

郡人李時華

西風吹斷孤鸞哀淚下寒砧念已灰
祗為庭前培玉

樹忍看丹詔日邇來

天書遙出鳳凰城知是霜操帝特旌千古栢舟誰嗣
響承家况復彩雲生

賦類

聖泉賦

巡按王杏

客有謂曰岡子曰耿茲牂州葦爾一陬仰視中原猶
寄黑子於人身之一肱其間怪石纍纍如吐如吞層
崖業業如結如浮蟠蒼聳翠連亘綢繆是固子之所
徧歷而旁收者洪遼之曲貴山之幽有水一泓天鑿
其湫名曰聖泉謂匪人謀是殊方之獨擅亦賢士之
遨遊子嘗知之乎不也日岡子應之曰吾嘗見茲邦
之水矣高者懸瀑下者聚漚拓者爲港窄者爲溝廣
不能容大壑之鱗深僅足泛坳堂之舟何乃茲泉之

名得爲聖者之流子言迂矣殆亦未之詳摻客曰嘗
聞之天惟至公不愛乎道地惟至平靡惜其實人文
正氣中原多抱山谷之深溪流之巧彼蒼或爲殊方
者造之子胡視之乎眇瀟也哉空言無徵泛聽亦貌
口誦之真不如目擊之了請乘子之暇屈子之俗爲
子御董輪駕細囊借煙景於須臾拂風塵之繚繞相
與觀茲泉之淼淼以明予言之非矯日岡子可之乃
惟季春天日朗霽言抹其駒言膏其轡循郊墟以啟
行遡層阿以深詣動微翠於干旌納輕颺乎短柁屹
萬崖之陰森忽一壑之清麗聲出竹以冷冷風拂面

以洩洩客曰斯聖泉之際也請於是乎少憇以惠吾
子之睇日岡子下車而馳之南山之阡惟俗俗中涵
一窟甃以方圓冰冽其澌漱理瀉旋石甃其鏗排瑤
列礲湛波光之上下捷瞬息乎飛旋俄而瀾漫漲於
巨川倏而翕聚滙於重淵有若巨海之驚兮噴濤吐
浸以侵軼乎八埏霎颶風之恬霄兮吸頷回涎有若
王之麗於日色兮晶光蕩漾於藍田迨其靜闕兮飲
之于半畝之烟聽石鼓以爲候兮輕重互爲其闕任
綸竿以爲測兮高下各得其平迭往來之相繼兮殊
過續之不憊迅時候之反覆兮妙消長於淩涓陰不

能使之溢兮賜不能使之涸旱不能使之涸兮滂不能使之佃僅一斗之涵容兮浩氣吞吐乎是天寄白雲於野草之隙兮宛潮汐之神縮於大江之壑疑日以視兮凡幾轉圜窮神以索兮莫測其然將以爲石竅之間而通兮泥藪或有時乎闕填或以爲泐水之塵而成兮陵谷又若是乎屢遷是必蒼蒼之上兮結構於太乙之前神以爲之範圍兮數以爲之陶甄星宿其揚波之脉兮河漢其濫觴之源浮槎無所於窺兮鯨人求涉其偏顧謂其容曰是誠聖矣非子之言樂失此泉非茲泉之勝幾不味子之言妍繁中原之

未見諒大化之獨全已無有於蜀川之峽又奚數乎
大理之滇也哉客喜而笑曰因野人之談而見與若
子之明證否者將不與歛澮之盈同溈溈耶是故
賞之有待抑亦茲泉之有緣於是汲水烹茶釣鱗
鮮採蘋採藻充皿羅邊泛玄酒於蓬壺兮飛瑪瑙於
瓊筵啜酣以遨兮縱真境之無邊履考槃之章兮相
與詠矢於弗諼咏濯纓之歌兮梔奘於滄浪之漣逝
者如斯兮悟造化之具傳以茲爲鑑兮戒光景於流
連日臨於酉兮驗消息之有先樵歌送清兮倚斜曛
於崦嵫之巔倘徉天地兮並匹馬以言旋次第其事

於石間兮俟來者有考於斯編

問月賦

遷客張艸

張子戍于伎郎之濱伎郎去龍城五千里三年而
鷹音不來張子登樓望焉見月于崇崗之巔乃憑闌
問之月若會余之意余亦對月而不忍去遂作賦曰
登危樓之崔嵬兮望五嶺之迢遙流火降而霜清兮
天晃朗以彌高草木頽擎以殞脫兮山櫛櫛以寂寥
瞪空濛之蒼蒼兮渾一色而靄消俄皓魄其聿升兮
揚輝光于東臯方其始升也藹藹瀾瀾腫臃臃隴隴
乎若金波湧于重溟之表朗乎若巨鑑浮于扶桑之

東始逶迤而挂巖遂倏忽以摩空萬籟寂其無聲兮
群星燦爛以相從樓映縞以浮白窓涵虛而玲瓏近
嫦娥其咫尺兮俯桂樹之蒼隆聞天樂之錯雜兮聽
玉杵之琤璫襲寒氣其逼人兮窺清虛之瑤宮烏鵲
遶樹以南飛兮征鴻帶影以隨陽擣玉砧之颺沓兮
吹洞簫之悠揚余顛倚闌而徘徊兮脊尚羈此夜郎
思慈闈于千里兮望美人乎一方五嶺何其遐隔兮
瀟湘何其路長發清嘯以動問兮月庶幾乎謂叩于
焉望舒停御寒蟾罷泣下青天之白鸞來素娥之羽
衣跼蹐瞻顧向余而言曰子豈非洞庭以南狂夫乎

胡爲乎此樓中也子亦知吾月乎成以七寶璘珣脩
以八萬之戶氏尊爲群陰之紀貴爲上天之使固宜
金盆之常圓素光之無蝕也何冀英之生落兮遂晦
朔之不一也蝦吞則損爲破環兮麟闕則沒其半壁
也是天地且不能保其盈虧兮而矧曲伸之理數也
信胸臆之從來兮測臍魄之不停方二八之爲缺兮
又安知三五之不盈苟前脩其罔玷兮亦奚愧于光
明緼千古以流輝兮尚毋怠于斯征嘉話既畢素娥
告退駕紫雲以旋車望瓊樓而鳴佩銀波耀人金粟
飄桂張子送之如醒如醉殆不知夜耶晝耶夢耶孰

辯其真偽

渡盤江賦

提學鄭旻

從查城渡江越江爲哈馬嶂余竊樑貴臬是日
歲紀正一周云

肅征輶而騁驚兮歷脩坡之險巖越渡索之淵谷兮
仍陟嶽而莫盤眺山水之佳趣兮忘登涉於嶮岈遂
遠遊于天末兮竭輕舉於雲端緬執簡而祗役兮周
歲星以逸今襲山阿之蓬藿兮思警欬于德音昉擊
汰而上沅兮抵龍標之千尋躋閔嶺而躡查城兮極
摩蒼之嶽岑殊日觀之崩劣兮鬱龍從而多陰山踰

蜀道之橫絕兮江隱武漢之毒淫撥余心之浩思兮
曾不爲此之芥蒂荒微宵歷千秋兮

皇明闢敷于德軌雨露蕩為周行兮問成藹然其仁美
俗敦龐而服儒兮樂采芹於泮水成譽髦之國禎兮
懋摯文之休使周攬轡而下帷兮青衿穆肅以承風
振鐸非關於叱馭兮沛吾道之雍容仰先師之道則
兮希景行之焉窮眄鄉國之貌遠兮廓私懷於子牟
慕敦仁之坦途兮齊大化而始終亂曰山川修遠紛
嶽萃兮鄉國還望幽懷鬱兮攬觀宇宙浩以大兮

皇仁德教洽無外兮繫我遐征文教司兮棧撲作人愧

純師兮朝夕恪官敢忘惕兮恬漠息道何怵迫兮

碧雲洞賦

郡人邵元善

碧雲洞者玄深竒絕吞納衆流中含萬象呈美表趣
不可勝殫昔天官太宰涪陵夏公書其壁曰天下竒
觀名實不契矣然以地處幽荒曾不能接太史之迹
而名列於圖錄所謂托非其所豈虛語哉伸帟作賦
與有表於方來云

推古今之物理慨巨靈之神元奠萬彙之位置配真
宰之自然惟茲洞之竒妙非此胡其誰先承滇首黔
面坤負乾吞三川而為一納萬壑之風煙翠屏常閉

以危立雲石歷亂而懸垂鬱湏洞而噴出巖重沓而
翔飛青黛綠玉煥綵生輝顯敞腫臃乍明乍蒙絳莓
苔而始入迥然躡蓬萊之仙宮飛流澎湃濛濛落落
掛清光於露壑晨光熠燿煙霏漠漠象啟明於閭闔
爾其峭壁如肺厚薄殊形擊之而神鉅清越扣之而
球玉哀鳴雜流泉其間奏恍聞廣樂於洞庭綠波澹
澹金沙淋漓當盛夏而凝沍入隆冬而溫熙此其洞
靈之醞釀而氣候之均齊也軼陵陰之地室窅窅冥
之洞壑上燒崢以壘巖下斬巖而壘崢取塵世之踪
跡分洲渚其脉絡雖假曜於松膏乃湏臾而有獲足

進目朗豁然陽開劃天梁之高錦偉造化之鴻裁繼
耳目之觀聽駭神識之恢厯仰矯首以高視矜目冥
眴而亡見徒徘徊以徨徨兮魂耿耿而昏亂於是歛
衿危坐發蓋揮塵凝神定志以遊以觀望天牕之洞
啟漏陽靈而迸射中無微而不照燦明珠之不夜既
次濛以趨朗亦鴻紛而糾錯恍天宇之浩蕩兮厥高
廣而不可度量度湯湯驚波滔滔駭浪觸石則電激
雷奔安流而淵渟演漾夏潦既盡澄潭載清漏石分
沙坐空明而數遊鱗飛濠梁之逸思得世外之間身
沉波潛溢去無止極增石清瀾此焉遊息轆轤珍室

目以流雲越潢溪而超陟聊肆志以怡神景炎燎燭
浮煙滿宮祥光灑氣浮游空中信鴻筆其莫狀何繪
事之能容乃有碧眼胡奴依倚巖阿儀狀突兀舞袖
婆娑西方佛子東土大士或踞石而趺跏或蟠崖而
仰唏絕壁巖巖有龍升天華蓋垂珠鱗甲新鮮虎豹
獅象大小殊狀斯乃靈液之所融結故經歲月而益
長石龍之下懸水之消晶石為田畝畝勻紘高低連
絡溝塍困輪天草琅玕羅列繽紛酌玉醴以饌渴茹
芝英而頤神捋呼龍而鞭虬乘雲霧而爲霖尋不死
之大藥真古仙之所云削壁嵌空鳥道才通窅然一

竅而莫知其所入非夫羨門赤斧其奚從煉丹遺竅
紫泥舊封丹器畢具煙霞豐融雖靈仙之幻蹟亦譎
詭而竒工天窓之裏浮屠崛起上柱天極下惟地紀
界天光而兩分蓋日月之所蔽彌乃若層級之狀玲
瓏之象大小遠近䟽附拱向青蓮倒垂緇衣揖讓盡
般繭之苦心曾不能萬一其模倣者也天宇晶瑩玉雪
飛空浩然上覆并包兼容靈竒恍惚變現出沒丘阜
奧窟施靡延屬容光所遺蘭膏是續爾乃結裳攬衣
岑岑高躋猿猱避蹟潛乳登梯仰通天而直上俯萬
山而皆低坐石牀而少憇復迴眄以神迷但一氣之

鴻濛分仙凡其在斯吾亦莫測其神妙之若此即方
壺蓬島其誰知想八駿之皇輿汎覽乎崑崙之墟遺
神州與赤縣即黃帝之仙居倘荒忽而謬戾即比况
其焉如遠眺川原平楚寒煙林麓之饒珥臯被阡溝
血脉散沃野墳腴黍稷油油芳樹離離涌川匯瀆湫
湫悠悠水當春澹淥花夾岸而芳柔周道臨溪而紆
曲恣士女之行遊擬桃源之幽秀豈金谷之人謀亂
日仰止至人其遯藏韜名晦迹含玄光遺世獨立還
太清何必飄舉

玉京廣入空同與世志消栖巖壑褰衆芳徐入海島

滿渺茫大業可就天難升今者不樂將何營御風而行
徇我情佩蘭紉蕙雜杜衡枕石漱流調絲桐拳石
可娛矧洞中於馬道遙以徜徉

賦晉安盛孝子

林廷弼

君不見塚中鵝其母死其子啣草以祭仰天絕頸死
而同窠又不見林中鳥啣食哺其母遶枝晝夜不飛
去以翼覆母聲號呼物類固如此人靈不如物家家
愛兒如愛珠兒主母命誠須更兒夜啼母夜起輒語
溫言勤諦視兒饑母不食兒病母猶泣兒出遠道母
倚門無風赤日思寒溫兒寸草母春暉心欲報願則

違不能致顯榮具其脆床頭無金甌無粟番思一夜
賜百轉母益病兒益貧母身重兒身輕兒身况自母
身出皇天幸燭兒精誠肝腸一縷入羨哉母命可生
兒可死母病痊兒疾痊一時義事誰當傳割股奚須
並牙頰貧哉此子尤堪憐嗚呼貧哉此子尤堪憐

頌類

嘉瓜頌

郡人王訓

明受天命奄有萬方貞元會合君明臣良維

皇繼統景運彌昌至和協通發為嘉祥南國之臺園有
瓜瓞綿綿其蔓澤澤其葉和風長養瑞氣凝結兩實
並蒂六本同列含英吐芳蘊秀沆香金膚玉質雪水
冰飈形圓而直色正而黃臺臣稽首獻于

明堂曰此嘉瓜我

朝之瑞肇自

高皇龍興草昧適當其時風雲慶會今我

聖君德信功配仁風化雨洽于遐邇天人交感得此禎
嘉再產斯瑞視昔有嘉實由天春壽我

國家至治之祥太平之効天子萬年永綏億兆小臣頌
歌以繼舞蹈

欽恤軍田頌并敘

江東之

間者朔方空賊勾虜譟呼朝議調宣遼陝浙并苗
兵合四萬坐困之遂擒斬俘獻

上既首叙有功諸將吏且發帑金二萬優恤苗兵之
陣亡者海內仰

威德洪暢矣碩苗屬官風歲善治名氏莫不可誌辨于是

散給軍易兵為奸而莊濺之陸沉者十之七余入
境廉得之撥有司追出三千緡與直指應公議曰
姦皆

聖主餘澤吾儕不能宣揚

德意罪與墨等西燕且廣田上錯歲積其入仍備剗
賞恤之用動之石

欽恤軍因示不敢改其德容謹述願承而為之頌

頌曰於煌帝澤降鑄周廣殺伐斯張功懋懋賞悼
彼執戈捐軀委

天子曰咨苗師憫憫漢號與居爰及內帑吊死扶傷

臣

以光泉壤迺有貪夫行同魍魎
網議緩厥辟誅其餘饒尊制行意
狼噬鯨吞莫逃天

上德是倣春敷甫田露零戎幌
三苗均沾萬漢共仰
圍臣作頌

皇仁曠朗

歌類

飛越峯天馬歌

揚慎

高皇御天開大明龍馬出自養龍坑
房星夜下盧龍塞天駟曉來驟
騎營殿前重瞳親賜閱仗外奚官爭相
迎鷄鳴牛首試控縱風師麟儀無逸驚
歸風絕塵羨迅疾逮日先影羞翮輕四蹄
踰然不展地六飛如在空中行是時雌首
有奢香左驂牡驪右牝黃貢上金陵一萬
匹內廐惟稱此馬良宸遊清燕幸鸞坡學士
承旨贊且歌飲以蘭池之瑤水秣以藍田之玉禾
飛越峯名自天錫駿骨雖朽名不磨至今百七十歲時

山頭猶有養龍池方經地志或挂漏筭苗洞獠那能
知吾聞天下有道飛皇伏阜又聞王良策馬車騎滿
野前時吉囊寇大同烽火直達甘泉宮近日莫瀛亂
交趾羽書牙璋偏南中安得將星再降傳友德房宿
重孕飛越峯一月三捷獻俘馘千旄萬旗歌熙雍鳴
呼將相盍有種龍馭豈無媒經途訪迹一興慨郭隗
孫陽安在哉長歌終曲長風來

瘡痍歌

陳邦敷

雲貴之間道且險下臨無地上摩天蒼陰礙日鳥飛
絕草氣薰蒸生瘴烟僕夫擔肩行且險密箐深林伏

豹虎管押鞭驅勢莫停足裂骨穿汗如二我曹楊
江南役圖藉衣衾無別物資賤共形多異心年來官
長窮奢欲紛紛官槓如林集象牙蘇木蒼山石一槓
勞軍費百金載爾遙遙獨何益前槓未起後槓促家
破丁逃夫不足前年額夫鬻兒女今年應無兒女鬻
檐夫漸少官漸多力孤柰爾官槓何莫將無益害有
益試歌一闕瘡痍歌

勸農歌

江東之

勸爾民勸爾苗人生安分自道遙惟農稍下士一等
百工商賈盡爲么虞舜登庸在歷山有莘伊尹列朝

班龐公壘上自遺安冠蓋經過不敢攀古來賢聖曾
耕稼何視農夫只等閑雖然作苦勞筋力無氣周流
更疾息一犁春雨作蓑衣我疆我理生禾稷媿見
耘憇樹涼誰云暴背身勳黃九月金風忽肅霜眼前
百穀俱穰穰且芟且獲滌場圃瓶罍在在有餘糧爲
釀爲炊召鄰里烹鮮擊脂殺羔羊父子母妻并兄弟
瓦盆共酌勝銀缸莫道無田可耕種郊原隨處任開
荒五穀惟禾植水中其餘菽麥問山翁種瓜種菓應
君樹四肢惰者爲終窮若能開墾遍山阿初焉利

皇家賦稅供惟正歲歲年年不起科我今勤勤勸農事
各宜努力莫蹉跎更勸爾軍少暇時屯田塞下是吾
師嗟彼流民空馳逐何不乘時務基鉉勿起雄心逞
蜂蠱轉禍爲福其在斯君莫笑農家子無五袴盜賊
歸主身無措爾時誰貧誰是富又莫笑農家子逐糞
場盜賊一朝死路旁筭來誰臭誰是香慶我穡事登
哀彼盜情覺綠林豪士急回頭賣刀佩牛隨處樂聽
我之歌比擊壤遠我之歌罹百殃農歌歌罷我心惻
誰家不願渡慈航

遠行歌

沈思克

遠行復遠行驅車度沉入黎平

九重簡命咫尺重一劍風霜千里經明正學課群英冷
然飛雪寒凝水課罷霖霖開凍亦解忍聞午夜管灰驚
一陽復處朋來樂頌我無知愧先覺即從復境覓真
詮博文約禮如立卓黔陽陽道日方亨南枝有鳥鳴
嚶嚶我車還兮日擢旌意未倦兮歌遠行無遐心兮
勗諸生

遊水洞長歌

楊 燾

老夫平生好山水每聞勝景心獨喜故人邀我城南
遊出郭溪行二三里峯崖路轉非塵寰鷄犬人家足

生理恍然寘我桃源中風景依稀乃相似耕田鑿井
不記年疑是秦人始居此谷中樹暗連桑麻澗底花
香雜蘭芷陰陽古洞蒼山根絕壁飛崖半空倚豁然
深入天窓明外狹中寬如屋裏醉眠雲蹬高似牀袖
拂平沙淨於几松風一派從天來散作泉流和宮徵
泉來直與海眼通鶴髮仙人烹石髓蛟龍窟宅變斯
湏白日陰崖電光紫此中豪興爲誰發筆下詩成泣
山鬼安得凌空生羽翼共載吹笙玉童子一聲長嘯
洞雲寒日出林梢飛鶴起

樂矣園歌

楊 旻

樂夫小園如畫裏地闢天開非偶爾園外有山山下
水水色山光來屋底山擁群峰儀鳳峙壘嘒層巒翠
如洗水流一曲蒼龍尾戛玉鏗金咽宮徵園中昨夜
東風起知是陽春催百卉蓊蓊密葉裁文綺娜娜長
條綴朱蓋梨花李花雪睢睢艷杏夭桃爭綺旒老我
平生厭華靡不悅千紅萬紫獨契亭亭高處士酷
愛猗猗美君子久與寒梅結知己尤憐幽竹及蘭芷
朝遊暮觀逾二紀盡日踏穿東廓履幸無俗生談鄙
俚時有文儒來濟濟幾回授琴向清泚沙席雲屏石
爲几茹以澗毛酌以蠡咲看雙鷺躍雙鯉俯仰乾坤

樂即已誰識靜中滋味
將蕉鹿比柴桑浣花誠俊偉
貧賤栖遲終不耻古來
落落皆如此何須更獻遼東豕
謾發狂歌聊自擬不
惜傍人風過耳明日短筇還遍倚
吾樂亦在其中矣

悼柳守備

蔣廷璧

柳將軍柳將軍何爲相此身歸田已十載
復出建奇勲孤身當一面獨手無援軍
靡然勢難支昂哉力莫倫既遭千萬衆
猶忍數拾人裂眦口噴血正氣升蒼旻
見之膽亦寒數也非不辰紛紛盡顏懦
爾獨爲忠臣嗚呼爾我有恩義哭之酸
心亦慘神柳將軍柳將

軍當時百戰今成塵九原茫茫聞不聞

行類

赤虺河行

楊慎

君不見赤虺河源出芒部虎豹之林猿狽路層水深
雪不可通千尋幽木撐寒空明堂大厦棟梁棟工師
估客穿臙臙此水奔流似飛箭縛筏乘桴下蜀甸黯
淡澀瀕險倍過海洋流沙爭一線誰驅烏鵲役鼉鼉
秋濤夏潦息盤渦百亭雲屏濟川手奠民枕席休干
戈安得修爲夷庚道鐫刻靈臺垂不磨

Table with 10 columns and 10 rows. The text is extremely faint and illegible.

東坡志林

誼類

養馬誼

陳邦敷

白牌使者行來疾照點徵名催赴驛貧家難借買馬
錢夫婦悲號心戰慄三五狼牙雄赴赴氣蒸烈焰如
牛乳割鷄歎酒不暫停鐵索攣拘逐先走嗟嗟我死
聊自足難免妻兒受凌辱坐連隣里譴責歸領保食
期承應役前度養馬遭蕩敗典盡家延仍負債鞭皆
成疽尚未平今復耽當無可柰邊軍設爲防邊計額
外軍徭無定制雜派走遞牌兒夫轉輸征調門厨隸
養馬古是民家差忍使貧軍墮此災土官土舍萬頃

貴州通志卷三十四
李六一
田不向公家納一錢館夫下寨收馬錢土官土舍索
人事稍有不遂即支吾號令傳呼寨門閉各捏虛詞
巧飾僞公然不出當官對白日黥黥生浮雲牢死貧
軍獨何罪含冤控訴誰作主官畏土官如畏虎一勾
不到即停牌碌碌頻年自修補我生不幸在邊氓軍
代民差如轉輪

清平荒城十二詠

孫應鰲

秋日荒城隱暮笳太山猛虎永州蛇稜稜黃葉漫空
舞繞郭茆茨只幾家

土司糧馬衛家當怒氣曹騰化青祥淚眼已枯膏髓

盡九閻何處叫天皇

一衛軍餘二伯人千般差役在軍身遺氓自合甘心
死敢向何人訴苦辛

大道通衢流水過扛抬日夜兩肩磨清官行李猶堪
送輜重多時更柰何

歲歲修城不得休已無毛血待誅求城門不閉城隍
圯白日街遶餓虎遊

一番巡歷一番悲鬻粟吹寒骨肉離軍賣月糧官膏
俸更無到口上身時

教場草長蟪蛄鳴數十操軍不滿營但願承平似今

日國初屯戍九千名

弟作生員兄養馬子爲官宦父當軍家家聞有誰聞
逸優免徒然感聖君

開衙屯田美不貲周遭二十四屯塞屯軍迹盡田何
在鷄犬無聲宿莽滋

邏警官軍意氣豪殺無弓箭鞘無刀殺人白晝何須
問柱腹撐腸沒野蒿

張翰秋風興有餘歸來感事淚盈裾鱸魚不美尊羹
苦無限窮愁難著書

宗祖墳塋繫所思高堂白髮况難移故鄉高望如臯

族欲往從之路險熾



貴州通志卷之三十一

地理

三

五

一
火
運
二
八
卷
三
四

七

箴類

善權論有箴

江東之

語有之綆短無以汲深鼎小不能烹大責蓄勢也
積水以負大舟積風以負大翼貴籍資也於錄先
遵養之晦整旅慰望霓之情貴相時也余有撫之
責不能先其大者而姑舉其餘蓋自量時勢之無
可資若并其餘而寘之與僅取餘而塞責皆非
余意也余始為五事時方踟躕却顧終有嫌于
余心謂所職者軍旅之事即不能飭我師徒東
攘西蕩奈何使四封之內有豺狼狐鼠縱橫竊

發即不能募屯積粟以備緩急奈何使守禦之卒
無投膠挾纊枵腹空拳余固愧而嘆之每拊髀扼
腕思以軍事先五事無繇也於是革冗食而冒者
歛其悍清餘田而欺者戢其猾兩者皆怨之招安
之裁數十家之肥以培千萬人之瘠于撫為近之
以蘇其困而資其無則未矣一日司幕馬一新者
告余曰黔稅有常征比年逐末之多權者聚之以
自封非所以奮勳心播清埃也余頷之直指應公
以觀風迓轅余遊之都亭謂余曰黔之外郡風景

殊不惡如永寧權場商旅聯樞隱隱展展中原都會無以喻之始信一新之言不妄相與移機任之永寧歲增千緡次鎮遠次畢節次思南諸稅遞增有差因與直指君定議以站軍之苦妻閭于未入黔時哨軍以身當苗苦尤倍之顧一歲之內非從天降非從地出何以得便宜經久為一切計今稅之增幾三千緡用其一以優恤站軍用其二於哨軍之寡者募益之甲兵糗糒不足者分給之儻然歲入浮于歲出籍而帶之若河工之未就文事之

未興皆所須焉是不匱之府也客有為官謀者則
曰黔之下僚枯無他閨貧緣監稅聊以排愁乃終
日執籌筭之不得一染指謂五斗何今知是臚也
衆人所慕志士麾之與諸閩吏約及瓜之期數不
爽商不屬倍其廩薪以勸來者是稱事之餽也且
司府幕屬不至坎壈惟夷司之佐微祿半虛饑寒
不免罷歸則鄉閩遙遙典鬻已罄贈以長夫一間
有爵邑殞生誰哀旅轉妻子含酸煙沍蠶落贈
以長夫二司權不得厚殖灑及窳黔之可傷者

昔也命之貪今也命之廉昔也孽之蘊今也

膏之溥是錫類之芳也客有為商謀者則曰豎之

商也出萬一有生之途以為利又取盈以索之

遠人携矣王者不征之謂何余愧不能舉三代

之政聊以濟一時之艱非損商以利國乃損官

以通商蓋求多則巧避而日詘寬科則輻湊而

日贏是招携之奇也余揭教通衢權之審矣雖

然軍儲告乏倚辦于屢開之末何能實漏卮况

貨有盈縮商有聚散歲計之渥在眉睫聞耳奈

之憂時成癖無乃兒女仁乎自今商守法而貨物無闌出官守職而羨餘無悖入並受其福長資其盈是塞雷之柙也嗟夫權非善也增權尤非善也增之而衆善萃焉庶幾哉為善權如聚暴聚時貌語稅不加增陰為不善安在賢智黷哉余俱遊宦子甚於市井夫因為之箴以示儆云箴曰日中為市厥有闕譏泉貨流通民用以肥有賤丈夫征商此始攘攘而未貨亦權只歲有常征法無橫科稅浮於額視貨之多商之三倍官不競官遵三事商之慶載駘載欣僉曰善政告之司權

著之為令

時保箴

提學沈思克

來宣慰安疆臣屏爾慮授爾箴爾亦知

聖朝恩爾爵土何以存惟忠順立其根我

聖祖闢乾坤弘至仁開

大明漸被乎率土濱胥來享胥來賓嘉爾祖歸向勤昨
爾土畀爾民錫爾爵光爾門竝覆載與生成爾祖先
圖報稱有休問無惡萌如爾父安國亨其性行雖不
馴然自創知好名郡學建鄉社興此未喪之良心父
之蠱爾宜新父之善爾宜循自古來天道近積善家

有餘慶積惡家殃必臨有遲速無不應舉一二為爾
陳昔三苗左洞庭右彭蠡敢逆命禹徂征戮其身春
秋時吳爭盟霸諸侯驕且盈不旋踵為越并漢武帝
通昆明有叛者且蘭君恃險遠身首分唐之季有胡
人安祿山最強橫子慶緒弑逆行曾未幾緒亦殞弑
之者即其臣叛惡報何其神若宋時吳越君起錢鏐
傳厥孫能愛民識天命故其後世簪纓求昌熾迄於
今爾不見彼田琛與宗鼎相鬪爭

旨諭之終不悛

帝一怒靡子存又不見呼承恩勾強虜據堅城

天兵出如雷霆滅其黨磔其身失全亡得全興今古事
甚彰明

孔聖人又有云善不積不成名惡不積不滅身謬千里
始毫芒小者積大乃成天地間人最靈有三綱有五
倫子孝父臣忠君夫婦順長幼欽朋友信尊卑明得
此者乃為人喪此者乃獸豕惟天生古聖人立學校
以明倫家禮義人衣巾有相保無相傾治田里各安
生我中華佛國稱若蠻夷事戰爭衆暴寡富憂貧其
弱者人所侵其強者天所傾無禮義無仁心幸而存
牛馬群罔之生真可憐爾官爵非不榮爾土地非不

弘爾之財非不盈爾之兵非不饒所急者是今名不
可無知足心莫恃強妄自矜試比我江南省一大縣
百萬征么麼者安足論如我浙義烏兵登絕險若履
平彼倭賊尚寒心爾之兵安足逞爾把目胡亂行全
不顧爾家門

朝廷恩可不省上司命可不遵爾骨肉可不親爾人民
可不仁爾文教可不興爾慢上玩

朝廷爾下人效爾行慮不遠憂在屏子逆父逆兒生寃
相報嚮應聲吾奉

命掌文衡揚

聖化肇泰寧要個個為好人要人人保厥生故不世言
諄諄聽吾言天堂登遠吾言地獄沉苦口藥利於病
逆耳言利於行保爾世惟此箴

太守箴

知府劉之龍

維明昌運萬里職方貴山富水咸入版章建邦置郡
肇於

莊皇守稱牧伯古並諸侯秩二千石下邑綴旒朱轡熊
軾五馬優游召父杜母漢為循吏渤海潁川蒸蒸平
治五袴歌成兩岐麥瑞河北渡虎合浦還珠蒲鞭化
洽竹馬信孚甘雨隨車卧轍載塗

帝咨民艱寔重師帥豈以遐荒德澤踈窳眼前赤子鄉
鄰同室烏言卉服上世醇風帶牛佩犢化導之功夙
夜匪懈其政自通畏彼四知堅此素節一鶴相隨縣
魚比繁酌泉而爽勿滯於湟東海巖鄉晉陽班彪德
讓君子鸞鳳其儔惟胞惟疇養喚咻三代斯民直
道無斃何武去思寇恂願借一體惟懷誰其有隔我
思古人視履不愆子况異等文之羽翼賢休聲洽茲吏
治幹旋噫嘻小子麟符斯辱豈而是資素餐惟竭爰
疏鄙箴誦言司僕

夷字演

聖訓

而

孝順父母尊敬長上和睦鄉里教訓子孫各安生理毋
上飛去巾西些方屯訓州以无而乙艾奉牛反也

作非為

拜非批

歌章

紀返

天地君親為大兄弟手足之親孝乃人之百行忠在人

承以忘書正乃心乃其旨曰長幼之序年曰也
光亨乃作霖雨又可調羹君臣慶會龍虎相迎萬世永
固而向兒孫男次古妻之川之飛也此乃北出臣
賴忠孝是存

心也長之

貴州通志卷二十四

四

籍錄

易經集註

書經集註

詩經集註

春秋集註

禮記集註

四書大全

史記○以上萬曆十五年提學道發通省各學

貴州圖經新志一部五本○弘治間提學沈庠編

貴州通志一部十冊

板闕不全

板三

籍錄

易經集註

書經集註

詩經集註

春秋集註

禮記集註

四書大全

史記○以上萬曆十五年從學道發通省各學

貴州圖經新志一部五本○弘治間從學沈庠編

校

貴州通志一部十冊

校閱不全

學約古文

一冊部

以下俱有板刻

貴陽圖考

四冊部

○上三書嘉靖間提學謝東

便民圖纂

三冊部

○嘉靖間布政李溆刊

洪武正韻

五冊部

○嘉靖間布政楊守約刊

蒙古辭宗

一冊部

十

卷書會編

一冊部

○上二書嘉靖間提學况叔祺刊

阿剌條例

一冊部

○嘉靖間按察使胡堯時刊

洗冤錄

一冊部

○嘉靖間延按王紹元刊

漁磯別集

一冊部

○嘉靖間郡人馬廷錫著

撫粵疏草

一冊部

○嘉靖間郡人李祐著

田公奏疏

二部

嘉靖間為郡人田秋刊

留坡忠錄

一部

嘉靖間為長官李益撰刊

天文地里圖

二幅

隆慶間按察使劉介刊

四書近語

四部

學孔精舍論學彙編

四部

學孔精舍彙稿

一部

淮海易談

四部

淮海遺稿

三部

上五書俱隆慶間郡人孫應鰲著

闕書評識

四部

隆慶間郡人趙民表纂

先行錄

十部

隆慶間郡人李涓著

警愚錄一部
八冊

楓林小四書 上二書萬曆癸酉提學吳國倫刊

感應篇一部
一冊

觀風便覽一部
三冊 上二書萬曆乙亥巡撫何起鳴刊

大明律一部
六冊 萬曆丙子叅政陳洙刊

文章軌範一部
二冊 萬曆己卯巡按馬呈圖刊

通鑑會要一部
六冊 萬曆辛巳僉事胡宥輯

孝經一部
一冊

懷幼切要一部
二冊 上二書萬曆壬午巡撫劉庠刊

西漢咀華一部
八冊

荀揚子一冊

淮南子一冊

呂氏管子一冊

四部

韓非子一冊

四部

○上五書萬曆壬午提學馮時可刊

史記漢書選

七部

○萬曆乙酉巡按毛在刊

諭民錄

一冊

○萬曆己丑提學伍讓刊

邦政條例

一冊

○萬曆庚寅巡按陳效刊

古今將畧

四部

明刑錄

三冊

○上二書萬曆庚寅按察使馮孜刊

陽明文錄

四部

○萬曆辛卯副使蕭良幹刊

觀風便覽一冊

振鐸長言

一冊

○萬曆丁酉巡撫江東之著

雲中存稿

一冊

○萬曆戊戌巡撫江東之為吉水

郭元標刊

生民未有編

一冊

○萬曆戊戌都勻推官李珏輯

先後在事各姓氏職名

貴州等處承宣布發司左布政使王耒賢

分守督糧道叅政王恩民

分守新鎮道副使兼議廣啟東

貴州等處提刑按察司按察使曹司勳

清軍驛傳道副使郭廷良

思石兵巡道副使張斗

提督學校道僉事沈思充

畢節兵巡道僉事方萬策

都清兵巡道僉事梁銓

貴陽府知府劉之龍

同知曾嘉棗

駐鎮畢節通判田于莘

推官張應選

都勻府知府王珽

駐鎮新添推官李珽

鎮遠府知府楊懋魁

思州府知府李仕亨

推官吳天祐

思南府知府趙恒

推官劉葵中

石阡府知府郭原賓

銅仁府知府張錫

推官江騰鯨

黎平府知府高祚

推官郭維魯

駐鎮黃平通判趙儒

定番州知州王應昌

安順州知州張應慶

鎮寧州知州張應慶

永寧州知州張問明

普安州知州龍時躍

麻哈州知州蘇九河

獨山州知州徐廷綬

新貴縣知縣張羽鴻

清平縣知縣魏自強

婺川縣知縣顏子言

印江縣知縣張鏊

永從縣知縣龔一廖

施秉縣知縣高如雲

專理編校各姓氏職名

原任雲南按察司副使郡人許一德

原任戶科給事中郡人陳尚象

原任楚府左長史郡人劉汝楫

原任雲南永寧府同知郡人周文化

編輯

貴陽府儒學教授楊蹈中

宣慰司儒學訓導劉懷望

安莊衛儒學教授黃閣

新添衛儒學教授黃璉

全編

生員梅鼎揚謝三顧

魏忠王汝民徐行可

胡仰華劉國麟謝三種

楊師孔丁酉舉人錢贊丁酉舉人

萬士英戊戌進士沈紹中丁酉舉人

劉應文選何東爲胡夢鶴

宋士達李邦用雷翁父校

貴前二衛經歷楊慶傑

李稠 督梓

掾史李大節草承承李大用鑄馬

